

子形貌端嚴人所樂見親族聚會為子召諸  
臣議論為彼日初出時生其孩子故號名初  
付八乳母侍養孩子廣如前說如是將養用  
諸乳酪生酥醍醐等其子如蓮花在水速疾  
長大後令入學教其文字歷數算計種種技  
藝工巧之法乘象之事弓弩箭射等法王法

途八

五末

之事皆悉明解後時先王立為太子先王先  
有一上宮王妃名曰達摩復有一大臣名曰  
宰牛先王甚大憐愛倚付其臣時王共上宮  
遊戲後時懷妊相師占之必生一子當定煞  
王自取王位後時王患用諸根苗葉花菓種  
種藥草醫療病不能除大王便作是念今須

建立太子安住王位我若死後太子必然我  
上宮復作是念我作何計校即喚大臣平章  
多與受用資具財物便寄達摩分付臣邊令  
其覆護告言汝是我親近大臣其達摩夫人  
者是我愛親近夫人我今自知身決定死若  
死已後太子正任位時汝應慈念當須擁護

莫令煞却達摩夫人臣白王言我作如是必  
不令煞達摩夫人王即說頌言

積聚皆消散

崇高必墮落

合會終別離

有命咸歸死

說此頌已即便命終作諸幡花寶塔殯王已  
了便建立太子為大王

途八

根本說一切有部毗奈耶破僧事卷第十八

根本說一切有部毗奈耶破僧事卷第十九

大唐三藏法師義淨奉

制譯

途九

是時太子既登位已告諸群臣曰汝等煞却  
達摩時宰牛大臣白大王言不作觀察無事  
何故即煞達摩身現懷妊未審生男或是生  
女若生女時方可煞却時王答大臣言如是

途九

一

亦得汝當自看時達摩月滿已後即生一男其同日時有一採魚師婦乃生一女與漁師錢物將男換女其大臣即白王言達摩生一女也王曰大好我得解脫後時漁師養育其子漸漸長大令入學讀書乃能綴文巧作辭章時乃立名巧作文章大臣私來告達摩言

汝子今大巧作辭章達摩復白大臣言今欲願見形貌方便將來大臣答言何更須見不須看之時大臣見彼愛戀其子爲作方便令子手持一魚作賣魚人形即往母所其母遙見相師占曰此持魚者必當殺我王自住王位其語迺相告言轉轉乃至王所王聞此語

告諸群臣乃可速即捉取漁師子莫令逃逸其語轉轉漁師子聞已隱藏深處以大黃塗身色如死人形人舉將往深摩舍那之所安著林所即起而走近有一人於林中採取花果遙見此人從死人中忽起而走採果之人隨後即趨不遠便止王使隨後即到問採果

人汝見一人作如是形容以不其人答曰纔見從此路去即速趨捉其漁師忙怕入一浣衣人家其家以衣裳重裹馱於驢上遠離人處河邊解放其漁師兒起立觀察四方遠望無人之處便即速走路逢一人見其疾走路兒起王訪者王使尋復到於村中括訪其所

見者報曰從此走過時人被使趨急復投一治皮作靴家而彼家人一一具言被王逼迫今欲煞我等廣如上說復告彼人家言願聽我故爲我作一量鞋鞋根向前鞋頭向後若尋跡者無人知我去處靴師答言我先未曾作如此鞋即說頌曰

曾見種種靴形狀 隨彼尺樣便爲作  
未有如此造靴鞋 令跟向前鼻居後

時彼靴師言即作著鞋走出村牆既高無處踰過即於水竇中出時王使者尋其腳跡乃見入靴師家處其漁師子情懷怖懼投身入水龍王見已將往宮中 介時大王展轉聞說

途九

二

漁師之子投身入水在龍宮內王勅諸臣於我國內所有持呪之人悉喚將來時諸呪師既聞皆來詣王所時王告言汝等往彼龍宮呪龍將來聞已悉去於別曠野有一藥義名曰賓伽羅常以魚肉爲食此藥義住處樹木猶枯呪復人見存命龍王被諸呪師呪已逼

迫救彼不得即以神力將漁師兒及諸呪師等裹爲一服將往藥義住處曠野之中安著龍王告諸呪師曰汝等所作非是好事彼漁師兒被藥義所害我等亦被損之呪師問曰作何方計龍王答言汝等無益之師惱亂於我我被逼迫將漁師兒置於曠野之中令彼

藥義所害汝等亦無所益時諸呪師漸行得歸本國白大王言我等惱亂龍王逼迫極困遂送漁師兒深曠野中賓伽羅藥義所食時王語言汝等大好更亦尋聽或時未死時漁師兒在於曠野東行西行彼賓伽羅藥義在

狗便作是念我今決定即死其狗遙見彼人復命一狗往趣捉取其人見已遠走上樹狗在樹下藥義隨後即到藥義告言彼可不聞賓伽羅人形藥義在於曠野之所若有人來住此者皆當損害汝今時到下來其人答曰我以盡命在此時藥義住於志柰纏結衣服

遼九

三

繫身而住時人欲作計走即往樹下向一方走藥人與狗同走而趣其人事急即脫身衣擲於藥義身上遍覆其體群狗謂是其人衆共擒捉食噉彼人便得走脫復作是念我有親舅見在仙人所出家我今可往彼也其仙所住之處花果園林滋茂熾盛有種種鳥出

和雅音時漁師兒展轉尋問乃到仙所時大王使諸處尋訪亦到其中於彼捉獲漁師兒便即投身谷下於空中捉得頭髻髮入人手身墮谷底時王使者作是思惟其人決死執得其髮持向王所白大王今我已誅害漁師兒訖王大歡喜賞賜其使時護仙人所天來

仙言汝外甥兒今苦惱逼迫何不觀察仙人報曰我若不擁護必定命終彼仙能持如是明呪令男作女令女成男其仙即以呪法攝受外生即云汝勿怖懼時外甥既得仙人攝受便化身為美女相貌姝好特異常倫即往婆羅痾斯於王園苑而住其守苑人既見美

女心生希有速詣王所白大王言今有美兒成就少女見在苑內王聞語已報曰宜速將來便即以大威儀僕從迎入王宮時王於彼美女深生愛著生愛著已見王暫離便變女身而作文夫即戴王冠命安地大臣曰冊我為王於時臣佐以大儀著冊立為王介時諸

天說伽他曰

頭不斷者不為害

復起能作如是業

隨宜損彼不名害

如害白膠王子者

佛告諸苾芻等於汝意云何其白膠王子曰初王者即是提婆達多於彼時中漁師兒者我身是也從彼王時起此怨讎世尊復告諸

苾芻等汝等諦聽昔時曠野有一大村其中有二巧兒作別賣人其人各坐一鋪市易不得相侵別時有一識寶貧人將一寶器來至其所止息三五日間持此寶器彼一鋪人欲買其實酬價極下時彼貧人不肯賣與更將向彼別賣人邊酬價平和即生歡喜報言汝

途九

四

可買取鋪主答言我無介許錢財可買答曰隨日所得多少與我其人聞已即便受取酬價少者即來共爭云我先見此人寶器汝今因何奪我市易從此已去遂至怨讎佛告諸苾芻彼酬價少者即是提婆達多於彼時中酬價多者即是我身乃至今時如是結怨惡意不息復告諸苾芻往昔之日曠野村中有一長者居住同族姓家娶女為婚共為歡樂其妻有娠月滿已後便生一子母即命終長者便作是念我更娶妻共為歡樂娶妻不久誕生一子母亦命終長者便作是念我亦娶妻不久還死我為長子索取一女當即娶女

遊戲多生子孫其妻問夫已次童子者是何人也夫主答曰此是我弟其妻復問夫曰於後分我錢物已不夫曰世俗之事皆合兄弟有分妻報夫曰若當如此汝今兒子極多既分財物當須然却你弟其夫聞已凡夫之人為貪財物無不造罪即作方計報其弟曰今

者可共往入山中採取花果至於山中兄取大石打第頭破因即命殛佛告諸苾芻兄者即是提婆達多第者即是我身於彼時中乃生怨惡佛告諸苾芻我更說提婆達多共我作怨惡緣起於往昔時曠野中有一大村有一居士同族姓家婚娶一女共為歡樂遊戲

途九

五

後時懷妊一子月滿已後便生一女形貌端嚴人所愛樂居士曰有人先來從我乞者我當與女時有一婆羅門來乞口云無病居士告言我有一女奉賞與汝時婆羅門曰我占時候日星是非穩便我今不受待於後時日星穩便我當來取說此語已便即退去別有

一時復有婆羅門為求乞故還至彼家口云無病乞與我物答言我有一女奉賞與汝報言先有一婆羅門來乞之時何不與女居士答言彼為星宿不便口云星宿穩便來取此女時婆羅門言我受此女問曰何不看星宿相宜即受此受時婆羅門便為頌即受此女

受得女已即便歸還先來乞者聞別有人來乞女去即來詣彼婆羅門所告言此女我受得因何將我女歸來答曰汝為瞻星非是穩便不取此女我不看星宿穩便遂取此女時彼婆羅門乃生怨惡嗔恚從此即生怨害之心佛告諸苾芻尔時後來求乞得女婆羅門

者即是我身是也其先來婆羅門看星宿穩便者即是提婆達多是也時佛世尊在王舍城竹林園中時未生怨王有一大象名曰護財極大憍惡性操常醉每日損人諸人皆怖不敢出門時王舍城人悉來白王其護財象極大憍惡每日出屋往於坊市四道街衢損

害衆人王當處分看象之人莫令每日出屋須隔日出若出之時預擊鐘鼓令人藏避王告言好即勅大臣令喚看象人來使人依命喚來告言王城中諸人衆來白我護財大象憚惡損害諸人汝當隔日出時預擊鐘鼓告聲象出時調象人等再拜大王已依勅即去

其王舍城中有一長者大有財物多有受用發心請佛及苾芻僧時提婆達多聞長者明日請佛并衆設齋即持百千珍寶與調象人告言有長者明日請喬答摩沙門并聲聞徒衆汝可將護財惡象當面放之踐踏喬答摩沙門答言聖者依命如是又須令王知之我

途九

六

等依命時提婆達多即詣未生怨王所白言汝不能立我爲佛爲汝煞父今得王位我今煞却佛自立一切智大王可令護財象出時未生怨王語提婆達多言汝不聞諸佛世尊未調者能令調伏說已得即去語調象人曰我已白王汝可明日將象出時調象人持鈴

擊聲告城中人明日放護財象汝等自當防護時彼長者聞此事已心生愁惱自嘆我是薄福之人今請世尊及苾芻衆過家設供有此事起放惡象出若爲設齋復作是念我今須造飲食熟已將往佛所其夜即辦飲食明旦向世尊所白佛言王舍城中擊鈴告人欲

放護財惡象各自防護今者世尊莫入城來所造飲食欲將就此佛告長者汝可作辦我今不怕護財惡象我共聲聞衆同來入王舍城長者聞已歡喜即去至家辦食鋪設坐已遙望世尊時如來即持衣鉢共苾芻衆入王舍城時人即放護財象等時象見佛并諸

徒衆即生嗔怒速走往如來邊其提婆達多共未生怨王上高樓頭遙望惡鳥欲踐踏沙門喬答摩提婆達多甚大喜悅即說頌曰

我見十力者

被象力所踏

聲聞釋種子

今日應消盡

今時世尊以右手化作五獅子時象見獅子

途九

七

已當時忙怕失大便奔走而去世尊又放大  
火諸方熾熱唯佛任處足下涼冷其護財惡  
象東西遊走唯逢熱火世尊住處清淨涼冷  
當見惡象諸聲聞等皆悉近散遠走唯阿難  
隨一人不離佛邊其象醉醒羸弱來詣佛所  
世尊即以百寶莊嚴輞輪相無畏之手摩其

象頭行無畏施即說頌曰

莫樂象身處

象趣是惡趣

當莫損害他

即得賢聖道

汝為前身業

故生在惡趣

損害諸有情

將是為歡樂

從此死已後

當生在何處

四

復住在何邊

賢首汝善聽

諸行是無常

諸法は無我

寂靜是涅槃

於我心生信

十

尔時世尊即往長者家敷座而坐其護財象  
隨佛後行佛在長者家其象門外立為不見  
佛故即欲推門屋倒佛以神力變其宅舍化

為水精內外相照令遙見佛世尊食竟說施  
頌已從座而去其象隨佛後行其國大臣具  
如上說啓白大王王聞此事轉告提婆達多  
汝大損我其象去已隣境國王聞者必起怨  
敵汝大不是時提婆達多被訶責已嘿然而  
住王勅諸臣言若佛出後當即關閉城門莫

令象出城外勿令隨佛後去大臣依勅報守  
城門人及語調象人繫捉取象莫令隨佛後  
去依命即欲捉象其象見佛出城面前不見  
世尊其象已脚踏鼻氣息不通悶絕而死當  
生四天王眾天天法當生天者有三種念起  
從何處滅生在何處是何業報當觀自身從

象死已生在於此清淨四天王中生為於  
佛所發歡喜心我今在此歡樂不往如來所  
甚非道理我先須共諸天圍遶詣如來所其  
象生天有身百寶莊嚴清淨之身內外明徹  
其夜即衣袂盛眾妙花往如來所竹林園中  
其光遍照勝晝日時以眾寶花散佛身上即

途九

八

於前坐聽佛說法世尊觀察隨所樂聽而應  
說法其天聞已以慧金剛杵摧破二十種我  
見煩惱山即證預流果既證果已心大喜悅  
白佛世尊無父無母能作此事無王能作無  
天能作無親無友亦無過去魂靈無沙門婆  
羅門枯諸血海唯佛能斷我苦惱海超煩惱

山閉惡趣門安置人天勝妙之處即說頌曰

因佛閉塞惡趣門 三塗之中多損害

今蒙開闢人天路 復證微妙涅槃城

因佛斷除眾惡業 患醫之目得清淨

能證寂滅聖賢道 超過有流眾苦處

一切人天所應供 能除生老病死苦

於百千生不逢遇 果報今時得見佛

我禮大師垂瓔珞 頂禮佛足心歡喜

右遶三匝欲還歸 騰身即往天宮上

尔時彼天如商人得利如農夫得豐熟如壯

士闔敵得勝如病人得差所將諸天下供養

已還與相隨歸於天上於時林中有諸苾芻

於初夜念誦經行見大光明遍照林野心生  
恠愕來詣佛所而白佛言世尊於昨夜分是  
何因緣釋梵諸天下世尊所佛告諸苾芻此  
非釋梵諸天來於我所復次諸苾芻汝曾見  
護財大象以不如此犍惡奔逸欲來煞我時  
苾芻等俱白佛言我等悉見佛言我已誨示

途九

力

彼於我所生正信心起歡喜故便即命終得  
生四天王宮其夜來詣我所為彼說法得證  
見諦却歸本宮諸苾芻等心生疑惑唯佛能  
斷白佛言世尊彼護財象作何罪業隨傍生  
趣復作何業得生四天王宮及得見諦佛告  
諸苾芻彼護財象者先集業報今自擔負如

暴流必當受之此護財自作自受非他人受  
復告諸苾芻所作之業無地水火風為彼受  
之亦非蘊處界善非善事而說頌曰

假令經百劫 所作業不亡

因緣會遇時 果報還自受

佛告諸苾芻過去世時於賢劫中人壽二萬



歲有佛出世名迦葉波十號具足住婆羅宛  
 斯仙人墮處施鹿林中是時此象於彼法中  
 出家持戒不能堅固後不貴重有所虧缺常  
 以四事供給衆僧成熟善根所生之慶食飲  
 充足見我正法心生歡喜便即命終得生四  
 天王宮復為在迦葉波佛時出家讀誦四諦

緣起蘊處等法由彼三業修集善根今得生  
 天復得遇我證獲真諦如是苾芻若修白業  
 等如餘廣說

尔時諸苾芻等心生疑惑佛能斷疑白佛言  
 世尊彼護財醉象當來害佛時云何諸聲聞  
 衆皆悉遠走唯阿難陀一人不離如來佛言

汝等諦聽非但今時於過往昔阿那婆達多  
 河邊有一鵝王名曰提頭賴吒有二子一名  
 滿二名滿面滿者大兒滿面者小兒其名滿  
 者性行極剛犍惡常行欺打種種惱亂自餘  
 諸鵝時諸鵝等每來諮白鵝王汝子咕啄打  
 我鵝王便作是念彼既麤惡犍性若安立太

子位我死已後必損然諸鵝我今須作方便  
 即喚二子滿及滿面告言汝等可能往詣諸  
 池有鵝之處檢行若先來者我即與王位時  
 鵝王子競意各將五百鵝衆往於諸方東西  
 遊行遍觀池水諸鵝漸行至婆羅宛斯於彼  
 時中有一國王名曰梵德正住王位其國人

途九

十

民熾盛安穩豐熟去城不遠有妙花池清流  
 寂勝有諸雜色蓮花而覆其上其池四邊亦  
 有千花果樹亦有雜類諸鳥翔集時鵝王子  
 名滿者共五百鵝衆下來入彼池中心無怖  
 畏遊戲歡樂其滿面共五百鵝衆在虛空中  
 時有一鵝報滿面言我等可下入此池中已

不答言我且往無熱池中紹王位已然後可  
 來於此遊戲當即速疾往無熱池中即紹王  
 位還來至波羅宛斯池中遊戲時池邊諸人  
 見鵝端正無畏遊戲皆生恠愕人所樂見鵝  
 中之王從何處來至此池中身體莊嚴其池  
 諸鳥無有比者人皆愛之無畏而住在池遊

戲時波羅宛斯衆人聞已俱來皆往池邊觀望看視而往其國臣佐白大王言不知從何方有妙色鵝王共無量百千諸鵝圍遶在彼池中身色端正勝自餘諸鳥人愛不足無畏而住時王告諸大臣言若當如此喚捕獵師來大臣依勅即喚集來王言聞我池中有勝

妙鵝王至人所樂見不知從何方來汝等可作方便四面圍遶繫縛將來莫令損彼身體支節將來見我其捕獵人依命即去巧作方便緩緩繫縛已時鵝王的知不得解脫告諸群鵝汝等速往無熱池中五百群鵝皆悉走散唯有一鵝渾淚而住時採捕人見彼一鵝

途九

十一

不被繫縛在鵝王邊啼泣而住心生恠愕告言我懼王勅繫縛汝身汝莫啼哭我不煞汝即將此鵝王往婆羅宛斯王邊傍邊一鵝雖不被縛心相愛念亦隨後去將到王邊王告獵人不繫鵝何因而來其採捕人白大王言我不繫縛彼自隨來王生恠愕語採捕人隨

後來者的知是夫婦相愛不離汝解放此鵝王從彼同去莫令有人損害其採捕人白大王言恐別有人損害於鵝王勅群臣告諸百姓勿令損害此鵝也時王即喚群臣卿今可於波羅宛斯城隍之處擊鼓宣令作如是語國中所有一切人衆從今已去但是衆鳥不

應傷損臣即如勅普告令知汝等苾芻勿作異念往時滿面王者即我身是彼隨鵝者即阿難陀是其次五百群鵝者即是今時五百苾芻是於彼鵝時皆悉走散唯有阿難陀不相捨離今時亦復如是衆皆走散是阿難陀不捨離我今時世尊復告諸苾芻等重為汝

說阿難陀不捨離我五百苾芻走散之事汝等諦聽如過往昔於婆羅宛斯有王名阿吒正住其位其國人民熾盛豐熟安樂有五百臣佐為彼威德近境諸王皆來朝拜時有一人從南天來名曰杖瓶然此一人當敵千人到臣佐所大臣即將見王白大王言聞王威

德此一人闢已敵千人王當攝受時王即賜受用財物於後時中比境有王軍馬漸多強盛勇健即辦象馬車步四種兵士來逼阿吒共為鬪戰其阿吒王亦以四事兵馬出共鬪戰其外境王被打陣破散走而去各歸本所還來聚集密遣一人諮五百群臣我更鬪戰

汝莫共我鬪敵若得位時多與汝等財寶勝阿吒萬倍其五百群臣皆悉迴意共外境王情同密契時王復以四事兵甲更來鬪戰阿吒亦以四種兵士共為鬪敵其五百大臣共外境王同情不戰彼南天來者共阿吒王心大苦惱彼人即說頌曰

途九

十三

一切有捨離

多時好看侍

唯有瓶杖人

不離大王所

彼勇健人煞彼五百大臣介時佛告諸苾芻勿作異念時彼阿吒王者即我身是也彼敵千人勇健者即阿難陀是其五百群臣者即此時五百苾芻是其五百苾芻皆悉走散離

我唯阿難陀不捨離於我復告諸苾芻等汝等諦聽阿難陀不捨離我之事如過往昔有一菩薩住不定聚在一方所山中受獸王師子身時有五百野犴每常隨後求拾殘食同住山中師子煞得蟲獸上味血肉食已捨去餘有殘者野犴取食多時在彼於後時中彼

師子王夜覓蟲獸夜闌不覺墮在枯井其五百野犴中有一野犴見師子墮井不離井邊思念方便作何計救救師子得出井中自餘野犴見五百群鹿隨後而行其彼一野犴傍井東西遊行見一土堆以脚推土置於井中土漸滿井師子得出介時諸天於虛空中

即說頌曰

皆須作親友

羸弱及強者

我見一野犴

從井救師子

佛告諸苾芻等時師子者我身是也其一野犴者阿難陀是也昔四百九十九野犴即此四百九十九苾芻是也其四百九十九苾芻

途九

十三

棄捨於我唯阿難陀不捨而住佛告諸苾芻  
等諦聽乃往昔時有一菩薩在不定趣時一  
方所與五百鹿為王有一獵師欲害群鹿於  
河側邊著羂網索計按捕獵時諸鹿等心  
無畏懼遊行至彼然其鹿王於前而行遂被  
繫縛既見被縛諸鹿並皆走散有一母鹿住

於王邊而不棄捨於時鹿王欲斷其索而不  
能斷母鹿見其鹿王不能斷索便說伽他曰

大威德鹿王

宜速懇懃解

安置羂柵者

獵師今欲來

尔時鹿王便以伽他以頌答曰

我今作何計

無能斷此索

羂索極堅牢

縛脚令徹骨

尔時獵師手執弓箭身著袈裟到此鹿所母  
鹿見獵師欲害鹿王於時鹿母即就鹿王而  
說頌曰

大威德鹿王

宜速懇懃解

安置羂柵者

獵師今欲來

尔時鹿王以頌報曰

我今作何計

無能斷此索

羂索極堅牢

縛脚令徹骨

尔時鹿母心懷虛怯即就獵師而說伽他曰

汝是大獵師

宜放弓箭却

將刀先煞我

然後煞鹿王

尔時獵師聞是語已心大驚愕而問鹿母此  
鹿是汝何等眷屬鹿母報曰是我夫主獵師  
聞是語已便說伽他而報彼曰

我今不害汝

亦不煞鹿王

今汝重相愛

夫妻還得合

尔時鹿母說伽他曰

如我與夫同歡樂

愛重夫主還相見

願汝與諸眷屬等

恒常愛重同歡樂

尔時獵師聞是說已心大驚恠歎言希有便  
解鹿王與母鹿同去尔時佛告諸苾芻汝意  
云何其鹿王者豈異人乎即我身是其母鹿  
者阿難陀是四百九十九鹿者是四百九十

途九

西

九苾芻是其四百九十九苾芻棄我而去唯阿難陀不捨而住時諸苾芻咸皆有疑唯有世尊能斷疑惑大德世尊宜可觀察提婆達多自為臭穢為利養故損害其身佛告諸苾芻提婆達多非但今世以貪穢惡利養故而害其身汝等諦聽乃往古昔於一山中有大

花池時有大象住在池邊復池一邊有野犴住身多臭穢是時其象從池飲水而出其野犴欲往池邊飲水野犴告象曰仁可避路若不介者可共聞敵象作是念此可惡物臭穢無止若以足踐或鼻或牙害彼皆悉穢惡我今還以穢惡之物方可害彼而說頌曰

亦不足踏汝

復不鼻及牙

我用穢物煞

當以穢煞穢

時象復作是念我向一邊行彼應必隨我後即向一邊速去其野犴便作是念我以口碎彼懼退走即隨後趨象其象見近即以極努放糞打其野犴便即命終佛告諸苾芻等勿

作異念今時彼野犴者即提婆達多是當以穢物損害今時亦穢惡利養故損害時苾芻心皆疑惑唯佛能斷來白佛言若能依佛教者皆度生死苦難若依提婆達多教者墮在苦中

十集

根本說一切有部毘奈耶破僧事卷第十九

途九

根本說一切有部毗奈耶破僧事卷第二十

大唐三藏法師義淨奉 制譯

佛告諸苾芻等如過往昔若依我教者皆得離大苦難若依提婆達多者皆在苦難之中汝等諦聽乃往古昔於曠野中近有一村其村樹花果滋茂隨近有二群猴一部五百各

途十

一部五百各 應刊